



**O'ZBEKISTON RESPUBLIKASI
OLIY TA'LIM, FAN VA
INNOVATSIYALAR VAZIRLIGI
SHAROF RASHIDOV NOMIDAGI
SAMARQAND DAVLAT
UNIVERSITETI
FILOLOGIYA FAKULTETI**



Ro'yxatga olindi:

№ BD 60230100

2024 yil 09 28



"TASDIQLAYMAN"

SamDU rektori:

R.I.Xalmuradov

2024 yil " " "

**ADABIYOTSHUNOSLIK NAZARIYASI
FAN DASTURI**

Bilim sohasi:	200000 – San'at va gumanitar fanlar
Ta'lim sohasi:	230000 – Tillar
Ta'lim yo'nalishi:	60230100 – Filologiya va tillarni o'qitish: o'zbek tili

Fan/modul kodi		O'quv yili	Semestr	ECTS – Kreditlar	
AN1110		2024-2025	1/7	6+4=10	
AN1710		2027-2028			
Fan/modul turi		Ta'lim tili		Haftadagi dars soatlari	
Majburiy		O'zbek		4/4	
1.	Fan nomi Majburiy	Auditoriya mashg'ulotlari (soat)	Mustaqil ta'lim (soat)	Jami yuklama (soat)	
	Adabiyotshunoslik nazariyasi	72/52	108/68	180/120	

Fanning maqsadi (FM)

FM1	I. FANNING MAZMUNI Fanni o'qitishdan maqsad – y“Adabiyotshunoslik nazariyasi” fani ikki qismdan iborat bo'lib, 1-kursda “Adabiyotshunoslik nazariyasi”, 4-kursda “Adabiyot nazariyasi” sifatida o'rganiladi. Badiiy asarni tahlil qilish uchun yollanma berish, badiiy matnni turli metodlar asosida har tomonlama ilmiy-estetik talil qilish, adabiy jarayondagi poetik o'zgarishlarni, filologning ilmiy-estetik tafakkurini shakllantirish “Adabiyotshunoslik nazariyasi” fanining asosiy maqsadi sanaladi. Adabiyotshunoslik tarixi, zamonaviy adabiyotshunoslik orasidagi bog'lanishni tushuntirish, ijodkorning badiiy obraz yaratish, adabiyotshunoslikning tarkibiy qismlarini, ilik shakllanish jarayonlarini sinkritik tarzda rivojlanib kelish sabablari, badiiy asarni ilmiy-estetik tahlil qilish, matnni tarkibiy qismlarga ajratish va ularning o'ziga xos xususiyatlarini aniqlash; badiiy asarlarni turli metodlar asosida tahlil qitishni tushuntirish, bugungi jarayondagi badiiyat qonuniyatlarini tahlil etish kabi masalalarni o'rganishdan iborat. Fanning vazifasi – fan yuzasidan bakalavr talaba lirik, epik, dramatik janrlar, she'r tuzilishi, san'atning paydo bo'lishi haqidagi nazariyalarni, poetik tafakkurning o'ziga xos xususiyatlari, badiiy obraz turlari, badiiy tasvir vositalari, lafziy va ma'naviy san'atlarini bilish va ulardan foydalana olishi lozim. Badiiy asarni nazariy jihatdan tahlil qila bilish ko'nikmalariga ega bo'lishi kerak. Fanning mohiyati, metodlari, tushunchalari va termenlarini o'zlashtirish, fanning kotegorial muammolari haqida nazariy bilimlarni egallash, innovatsiyalarini ta'lim tizimiga keng jalb qilish, zamonaviy axborot-kommunikatsiya tizimidan keng foydalanish shuningdek, fanning bugungi kundagi dolzarb muammolarini belgilashdagi vazifalarni ko'rsatishdan iborat.

Fan mazmuni 1-QISM

- II. Asosiy nazariy qism (ma'ruza mashg'ulotlari)
- III. Fan tarkibiga quyidagi mavzular kiradi:

Mashg'ulotlar shakli: ma'ruza (M)	
M1	Adabiyotshunoslik–badiiy adabiyot haqidagi fan. “Adabiyotshunoslik nazariyasi” badiiy adabiyot haqidagi fan ekanligi. Fanning predmeti, maqsad vazifalari va uning shakllanish sharoitini bilish, olingan bilimlarning asosida badiiy adabiyotning poetik xususiyatlarini tahlil qilish haqidagi nazariy tushunchaga ega bo'lish. Ilik shakllangan adabiy qarashlar turli janrdagi asarlar tarkibida sinkritik shaklda shakllanib kelganligini izohlash.
M2	Dunyoqarash. Xalqchilik. Umuminsoniylik. Milliylik. Badiiy adabiyotni yaratuvchi shaxs – ijodkor dunyoqarashi olamni anglash, tushunish, his etish tuyg'ulari bilan alohida ajralib turadi. Uning asarlarida xalqchilik, umuminsoniy g'oyalar, milliylik o'z ifodasini topishi, asosli tarzda talqin etilishi lozim. Badiiylikning bu qonuniyatlari insonni, olamni, o'zlikni anglashga xizmat qilishi bilan bir qatorda, obrazlar olamini anglashga imkon beradi. Har qanday ijodkorning dunyoqarashi olam va insonni anglash tamoyillari bilan ajralib turadi.
M3	Talant. Ilhom. Mahorat. Talant – ijodkorni umuminsoniy g'oyalarni talqin etishidagi xususiyatlarni o'zida mujassamlashtirar ekan, uning zamirida shxasning hayotni anglashdagi badiiy moharati etakchilik qiladi. Talant, ilhom, mahorat uzviy birlikda namoyon bo'lsa-da, uning ijodkorlik faoliyati, shxasning kamolotini, uning hayot veqiligidagi o'rni badiiy in'ikos etishda namoyon bo'ladi. Shuning uchun ham, har uchlik – talant, ilhom, mahorat mavjud bo'lsagina ijodkorning yaratgan asarlari mukammal darajasiga ko'tariladi.
M4	Badiiy obraz. Obraz yaratish yo'llari. Badiiy obraz, uning badiiy funksiyasi, xususiyatlari, obraz yaratish yo'llari, ijodkor mahorati kabi masalalarga nazariy jihatdan yondoshiladi. Tur va janrlar nuqtaiy nazardan obraz yaratish jarayonlari haqida tushunchaga ega bo'ladi. Badiiy obrazning turli xususiyatlari, qonuniyatlari ijodkor mahorati bilan uyg'un holda namoyon bo'ladi. Har bir turning o'ziga xos obraz yaratish jarayoni mavjud bo'lib, uning o'zaro uyg'unligi, farqli jihatlar mavjudligi ham asoslanadi.
M5	Badiiy xarakter va adabiy tip. Badiiy asar xarakterlar yaratish san'atidir. Badiiy asardagi mukammal obraz – xarakter. Uning xususiyatlari, badiiylik funksiyasi. Adabiy tip, uning shakllanishi, tipiklashtirish qonuniyati va adabiy tip. Har qanday xarakterning shakllanish omillari, tipik va notipik holatlar. Badiiy xarakterlarning shakllinishida hayot voqeligi, uning ziddiyatlari sezilarli o'z ta'sirini ko'rsatadi. Buning natijasida jamiyatdagi ma'lum bir sinf yoki guruhlarining xususiyatlarini o'zida mujassamlashtirgan obrazlar olami shakllanadiki, bu esa badiiy tiplar uchun asos bo'ladi.
M6	Mazmun va shakl. Shakl va mazmun haqida tushuncha. Shakl va mazmunning dialektik birligi, biri ikkinchisiga o'tib turishi, ularning badiiylik jihatdan uzviyligi. G'oya va mavzu rang-barangligi. Bosh g'oya va yordamchi g'olalarning badiiyatdagi mo'ri. Bosh mavzu va yordamchi mavzularning badiiyatdagi o'ri. Basardagi mazmunning badiiy in'ikosi, shakl uchun asos bo'ladi. Mazmunning mohiyati badiiy asarni anglash imkonini bersa-da, uning o'ziga xosliklarini shakllantiradi bu esa, badiiylik mezonlarining asosini tashkil etadi. Mazmun va shaklsiz badiiy asarni tasavvur etib bo'lmazligi, uning

	asosida ijodkorning badiiy mahorati mujassamlashganligi asoslanadi.
M7	Mavzu va g'oya. Badiiy asardan kelib chiqadigan qarashlar asar mavzusiga chambarchas bog'lanadi. Hayot voqeligini badiiy kashf etar ekan ijodkor, eng avvola voqelikni saralaydi, sintezlaydi uning eng xarakterli jihatlarini badiiyatga olib kiradi.. Buning asosida ham hayot voqeligi mujassamlashgan bo'ladi. Ijodkorning mahorati tufayli asar mazmuni yuzaga chiqar ekan, unda esa badiiy g'oya shakllanadi. Bosh g'oyani asoslovchi yordamchi g'oyalarning mavjudligi, uning voqealar silsilasi bilan uzviy birligi ham namoyon bo'lishi qayd etiladi.
M8	Badiiy asarda sujeti. Badiiy asar sujet, uning tarkiy qismlari, qo'shimcha elementlari, uning badiiyatdagi o'rni. Sujet yaratish yo'llari. Sujet ta'rifi, xususiyatlari. Sujet – qahramonlar o'rtasidagi aloqa, munosabatlarni ifodalovchi, asar mazmunini tashkil etuvchi voqealar tizimi. Sayyor (ko'chma) syujetlar. Fabula – asar uchun asos bo'lgan hayotiy voqea-hodisalar. Suetning tarkibiy qismlari. Ekspozitsiya, voqealar tuguni, voqealar rivoji, voqealarning avj nuqtasi, voqealar yechimi. Suetning mukammallik kasb etishi asardagi voqealar rivojini ta'minlashga va mantiqiy izchillikda shakllanishiga asos bo'ladi.
M9	Badiiy asar kompositsiya. Badiiy asar kompositsiyasi, uning poetika tarkibidagi o'rni, komposition vositalari. Asar sarlovhasi, epigraf, boblar va qismlarning yozuvchi ideyasiga muvofiq joylashtirilishi. Badiiy asar kompositsiyasi uning yaxlitligini, badiiy mukammalligini ta'minlovchi badiiy unsure ekanligi. Uning har bir xususiyati asarni yaxlitligini ta'minlashga asos bo'lishi bilan bir qatorda, kompozitsiyaning unsurlarini voqealar rivojiga hamohang tarzda ifodalash ijodkor badiiy mahoratini namoyon etishi bilan uzviy bog'liqligi ochib beriladi.
M10	Badiiy asar tili. Badiiy asar tili. Umumxalq tili, adabiy til, badiiy til. Badiiy nutuq tushunchasi va uning shakllantirish xususiyatlari. Badiiy, adabiy, umumxalq tili. Muallif, hikoyachi, personaj nutqi. Tavsiflash vositalari. Badiiy asarning birinchi elementi badiiy til. Bu orqali asarlarning mukammalligi, ijodkorning badiiy mahorati, hayot voqeligini so'z asosida talqin etishi bilan uzviyligi tahlilga tortiladi. Har bir qahramonning o'z dunyoqarashi asosida shakllangan xislatlari uning nutqida namoyon bo'ladi. Ana shu jihatlarda ijodkorning badiiy til asosida asar yaratish mahorati yuzaga chiqadi.
M11	She'riy asarning o'ziga xosligi. Maxsus leksik qatlamlar. She'riy asardagi poetik ko'chimlar, ularning badiiy funksiyasi. She'riy asarda ohang, ritm, bo'g'in, turoq, turkum haqidagi nqazariy qarashlar. To'liq, och, ichki qofiya, zulqofiyatayn. Rukn. Bahr. Band. Har bir asarning badiiy xususiyatlari, uning o'ziga xos tamoyillari asosida shakllanib boradi, bu esa, shakl va mazmun birligini, uning poetik ifoda shakllarini yuzaga chiqaradiki, uning asosida inson qismati, kechinmalari namoyon bo'ladi. Maxsus leksik qatlamlar asosida badiiy qahramon dunyosi, xarakter qirralari ochib berilishidagi ijodkor mahorati bilan uzviyligi tahlil qilinadi.
M12	She'riy sistemalar. Barmoq, aruz, erkin she'r tizimi. She'riy sistemalarning o'ziga xos tamoyillari. Barmoq she'riy sistemasida bo'g'inlar miqdorining tengligi. Aruzda hijolarning qisqa va cho'ziqligi. Aruzda ruknlar, bahrlar ularning ifodalanishi va turlari. Badiiylik va erkin she'r tizimi, sochma sh'erlar. Uzoq yillik tarixga ega bo'lgan she'riy sistemalar, asrlar osha yangilanishi, poetik ifoda shakllarida namoyon bo'lish sabablari haqida mulohaza yuritiladi.
M13	Adabiy turlar epos, lirika, drama. Badiiy adabiyotning turlarga bo'linishi.aristotil nazariyasi va adabiy turlar klassifikatsiyasi. Epik tur. Roman, qissa, hikoya janrlari. Tur va janrlarning farqli tomonlari, sabablari. Epik turning janriy

	ko'rinishlari. Epos va uning xususiyatlari. Adabiy turlarning uzoq yillik tarixi mavjudligi, uning shakllanishi insoniyatning olam va odamni anglashdagi fadiiy funksiyalari bilan uzviyligi ochib beriladi. Adabiy turlar nazariyasiga antik davrdayoq asos solinishi, uning taraqqiyoti, yangilanish sabablari qayd etiladi.
M14	Epik tur janrlari. Epik turning taraqqiyoti ijodkorning olamni anglashdagi badiiy mahorati bilan uzviylukda rivojlanib kelishi, sabablari tahlilga tortiladi. Epik tur janrlari roman, qissa, hikoya, esse, novella kabi nasriy asarlarning har bir janrini talqin ob'ekti mavjudligi, uning ifoda shakllaridagi badiiy qahramon yaratish an'anasin, ruhiy kechinmalarining in'ikosi sifatida maydonga chiqishlari tahlil misollar sosida ochib beriladi. Roman hayotni keng qamrovda talqin etishi bilan ajralib turish sabablari tahlil qilinadi.
M15	Lirik tur janrlari. Lirik tur janrlari, xususiyatlari. Lirik kechinma va lirik qahramon, uning poetik ifodasi. G'azal, ruboiy, tuyuq kabi she'riy janrlar. Bu janrlar o'rtasidagi farqli xususiyatlar. Mumtoz lirik janrlar va ularning badiiy ifodadagi o'rni. Keyingi yillardagi mlirik janrlar, badiiy ifodasi. Lirik turning janrlarida kechinmalarining badiiy ifodasi etakchilik qilish sabablari, uning badiiy sardan o'rin olish, shaklan bir xillik, mazmunan har xillik jihatlar tahlil qilinadi.
M16	Lirikada qofiya va poetik ko'chimlar. Lirik asarlarning asosida badiiy qofiya etakchilik qiladi. Uning "sochilib ketmasligini" ta'minlash funksiyasi qofiyada mavjudligi, ammo qofiyasiz she'r'larning ham o'ziga xos tamoyillari mavjudligi asoslanadi. Badiiylik mezonlari ijodkordan juda katta mahoratni talab etadiki, bu esa faqat qofiya asosida emas, uning shakl mazun jihatdan ham mukammaligini ta'minlashga asos bo'lishi kabi holatlar tahlillar misolida ochib beriladi. Lirik janrlarning mumtoz adabiyotdagi badiiy xususiyatlari bilan birgalikda, keyingi yillar she'riyati misolida uning tadrijiy taraqqiyoti tahlil qilinadi.
M17	Dramatik tur janrlari. Dramatik turning badiiy xususiyatlari va dramatik asar yaratish an'anasi. Tragediya, drama, komediya janrlari. Drama janrlari, uning ko'rinishlari, tahliliy yondoshuvlar. Dramatik xarakter yaratish an'anasi, janriy ifodadagi o'rni. Keyingi yillardagi dramatik asarlar, o'zgarishlar, tahliliy yondoshuvlar. Tragediyaning qadimiy ko'rinishlari, badiiy xususiyatlari. Drataik turning asosida hayotning eng murakkab, dramatic jihatlar asos qilib olinish sabablari yoritiladi.
M18	Badiiy uslub va ijodiy metod. Adabiy oqimlar. Badiiy uslub va badiiyatdagi o'rni. Asrlar davomida shakllanib kelgan uslub tushunchasi. Ijodiy metodlar. Realizm, romantizm. Realizmning hayotiy haqiqat bilan uzviyligi. Rozmantizimning tasvirdagi o'rni, ularning talqindagi o'ziga xosliklari. Metod – hayot hodisalarini tanlash, ularga muayyan dunyoqarash asosida yondashish, talqin qilish yo'li. Ijodiy uslublar: romantizm, realizm. Klassisizm yo'nalishi. Sentimentalizm, naturalizm, syurrealizm, ekzistensializm, simvolizm. Modern adabiyot. Ijodkor uslubi. Individual uslub xususiyati va ijodkor mahorati.
III. Amaliy mashg'ulotlar bo'yicha ko'rsatma va tavsiyalar: amaliy (A)	
Amaliy mashg'ulotlar uchun quyidagi mavzular tavsiya etiladi.	
A1	Adabiyotshunoslik – fan.
A2	Dunyoqarash, xalqchilik, milliylik, umuminsoniylik.
A3	Badiiy obraz va uning xususiyatlari, turlari.
A4	Badiiy adabiyotda xarakter, badiiy tip.
A5	Badiiy adabiyotda tipiklashtirish.
A6	Badiiy asarda mazmun, shakl, mavzu va g'oya.

A7	Badiiy asar sujeti.
A8	Badiiy asar kompozitsiyasi.
A9	Badiiy asar tili.
A10	She'r tuzulishi.
A11	She'riy asarda qofiya va she'riy san'atlar.
IV. Semenar mashg'ulotlar bo'yicha ko'rsatma va tavsiyalar: semenar (S) Semenar mashg'ulotlar uchun quyidagi mavzular tavsiya etiladi.	
S1	Badiiy til va uning o'ziga xos xususiyatlari.
S2	Sujet tiplari va xususiyatlari.
S3	Epik turning forma va janrlari.
S4	Lirik janrlar.
S5	Dramatik tur janrlari.
S6	Ijodiy metod.
S7	Adabiy oqimlar.

IV. Mustaqil ta'lim va mustaqil ishlar

Mustaqil ta'lim uchun tavsiya etiladigan mavzular. "Adabiyotshunoslik nazariyasi" fani bo'yicha mustaqil ta'lim va ishlarning kalendar tematik rejas

Nr	Mustaqil ta'lim mavzulari
1.	Sharq klassik adabiyotida adabiy-tanqidiy fikrlar taraqqiyoti.
2.	G'arb mumtoz adabiyotida adabiy-tanqidiy fikrlar taraqqiyoti.
3.	Istiqloq va bugungi adabiy-estetik qarashlar.
4.	Adabiyotning umumiy xususiyatlari.
5.	Hayot va adabiyot.
6.	Adabiyotning tasvir obyekti, predmeti, vazifasi
7.	Badiiy psixologiz
8.	Ijodiy jarayon
9.	Maxsus leksik boyliklar
10.	Badiiy – tasvir vositalari
11.	Poetik sintaksis
12.	She'riy san'atlar
13.	Qofiya saboqlari va unsurlari
14.	Mumtoz qofiya tiplari va turlari
15.	Eposning kichik janrlari
16.	A.Qodiriyning «O'tgan kunlar» romanida syujet bo'laklari
17.	«O'tgan kunlar»da avtor nutqi va uning xususiyatlari
18.	A.Qahhorning «Bemor» hikoyasi kompozitsiyasi
19.	Odil Yoqubovning «Ulug'bek xazinas» romanida obrazlar tasnifi
20.	P.Qodirovning «Yulduzli tunlar» romanida hayotiy va badiiy haqiqat
21.	«Muvozanat» romanida uch do'st obrazlari

22.	Muhammad Yusuf ijodida xalqchilik
23.	Hozirgi she'riyat haqidagi bahslar tahlili.
24.	"Dunyoning ishlari" qissasida o'xshatish san'ati.

"Adabiyotshunoslik nazariyasi" fani bo'yicha mustaqil ta'lim mavzulari uning mazmunini yoritish maqsadida tanlangan va magistrda shu haqida bilim ko'nikmasini shakllantirish nazarda tutilgan. Badiiy asarni tahlil qilish uchun yo'llanma berish, badiiy matnni chuqur va turli metodlar asosida talqin qilish, jahon adabiyotshunosligidagi adabiyotshunoslik metodlarining ichki imkoniyati va cheklanganlik tomonlarini barcha adabiy tur hamda janrlar bo'yicha yozilgan ilmiy asarlar misolida asoslab o'rganish, umuman adabiyotshunosning ilmiy-estetik tafakkurini shakllantirish ushbu fanning asosiy maqsadi sanaladi. Shu mazmunda MT da nazarda tutilgan mavzular haqida magistr ish olib borishadi. Barcha keltirilgan mavzularni har biri to'g'risida magistr qay tarzda o'zlashtirish, bilim ko'nikmasiga ega bo'lish mexanizmi fanning sillabusida ochib beriladi.

3.	V. Fan o'qitilishining natijalari (shakllanadigan kompetensiyalar) Fanni o'zlashtirish natijasida talaba: • "Adabiyotshunoslik nazariyasi" fanidan magistr, ushbu davrda tarixiy tadqiqotlar ko'lami, davrning o'z dolzarb muammosini tadqiqotlarning metodologik asoslari haqida <i>tasavvur va bilimga ega bo'lishi</i>; • Talaba "Adabiyotshunoslik nazariyasi" fanining alohida fan sifatida mavqeyiga ega bo'lishi, o'rganilayotgan davr va bugungi kun tarix fanining dolzarb muammolarini to'g'ri talqin qilish <i>ko'nikmalariga ega bo'lishi kerak</i>. • Talaba o'zlashtirayotgan fan bo'yicha egallagan bilimlarini tahlil qilish to'plangan tarixiy tajribani ilmiy va pedagogik amaliyotda samarali qo'llash <i>malakalariga ega bo'lishi kerak</i>.
4.	VI. Ta'lim texnologiyalari va metodlari: • ma'ruzalar; • interfaol keys-stadilar; • <i>munozara</i>, • <i>o'z-o'zini nazorat</i>. • "Aqliy hujum", • "Muammo"; • Krossvord • Annogrammalar • Ko'chma dars mashg'ulotlari
5.	VII. Kreditni olish uchun talablar: Fanga oid nazariy va uslubiy tushunchalarni to'liq o'zlashtirish, tahlil natijalarini to'g'ri aks ettira olish, o'rganilayotgan jarayonlar haqida mustaqil mushohada yuritish va joriy nazorat shakllari, hamda mustaqil ta'limda berilgan vazifa topshiriqlarni bajarish, yakuniy nazorat ishini topshirish

Fan mazmuni
2-QISM
II. Asosiy nazariy qism (ma'ruza mashg'ulotlari)
II.1. Fan tarkibiga quyidagi mavzular kiradi:

Mashg'ulotlar shakli: ma'ruza (M)	
M1	Kirish. Adabiyotshunoslik nazariyasi fan sifatida. Adabiyot nazariyasining adabiyotshunoslik fani tarkibida tutgan o'ri; Adabiyot nazariyasining adabiyot tarixi, adabiy tanqid, adabiy manbashunoslik, adabiy jarayon, jahon adabiyoti, adabiyotshunoslik metodlari bilan aloqasi. "Adabiyotshunoslik nazariyasi" badiiy adabiyot haqidagi fan ekanligi. Fanning predmeti, maqsad vazifalari va uning shakllanish sharoitini bilish, olingan bilimlarning asosida badiiy adabiyotning poetik xususiyatlarini tahlil qilish haqidagi nazariy tushunchaga ega bo'lish. Ilk shakllangan adabiy qarashlar turli janrdagi asarlar tarkibida sinkritik shaklda shakllanib kelganligini izohlash.
M2	San'at – estetik hodisa. San'atning tabiati va turlari. San'atda inson ruhiyati ifodalanishi. Adabiyot – so'z san'ati. Adabiyotning asosiy quroli so'z ekanligi. San'atning boshqa turlari bilan badiiy adabiyotning munosabati. Badiiy adabiyotda so'zning maqomi va tasvir imkoniyatlari.
M3	G'arb adabiy-nazariy tafakkur taraqqiyoti tarixidan. Adabiyotshunoslik tarixiga umumiy bir nazar; adabiy-nazariy qarashlarning mumtoz sharq adabiyotining takribiy qismi sifatida; mumtoz poetika asoslari; g'arb adabiy-nazariy tafakkurining yetakchi tamoyillari; adabiyot nazariyasi tarixida ilmiy atamalar masalasi.
M4	Sharq adabiy-nazariy tafakkur taraqqiyoti tarixidan. Adabiyotshunoslik tarixiga umumiy bir nazar; adabiy-nazariy qarashlarning mumtoz sharq adabiyotining takribiy qismi sifatida; mumtoz poetika asoslari; g'arb adabiy-nazariy tafakkurining yetakchi tamoyillari; adabiyot nazariyasi tarixida ilmiy atamalar masalasi.
M5	Adabiyotning spetsifikasi. Adabiyotning o'ziga xosligining asosiy belgilari; badiiy adabiyotning vazifasi xususida; badiiy adabiyotning insonshunoslik ekanligi; badiiy adabiyot va ijtimoiy hayotning o'zaro munosabati; adabiyotda insonning ichki olami tasviri; adabiyot va san'atda ruhiyat masalasi; inson his-tuyg'ulari va kechinmalarining badiiy tasviri.
M6	Badiiy asarda shakl va mazmuni dialektikasi. Badiiy asar tarkibiga xos xususiyatlar; adabiyotda shakl va mazmun uyg'unligi badiiylilikning eng muhim mezonini sifatida; poetik shaklning o'zgarib borishi; shakibozlik muammosi; badiiy asarning shakli va mazmunigaoid poetik unsurlar masalasi; mavzular tavsifi; mazmun va g'oya munosabati; badiiy syujet tizim sifatida; syujetning badiiy asar tarkibidagi poetik funksiyasi; badiiy asar kompozitsiyasi va uning elementlari.
M7	Badiiy obraz poetikasi. Badiiy asarda insonning murakkab dunyosi taqini; obrazlarning turli nuqtai nazardan tasniflari; obrazda umumiylik va xususiylik; obraz va muallif munosabati; obraz va detal; obraz va so'z; obraz yaratish usullari; obraz, simvol, ramz xususida; badiiy obraz genezisi – maydonga kelish omillari xususida. Obraz va xronotop; sujet va obraz munosabati.
M8	Badiiy asar sujeti va kompozitsiya. Badiiy asar sujeti, uning tarkibiy qismlari, qo'shimcha elementlari, uning badiiyatdagi o'ri. Sujeti yaratish yo'llari. Sujeti ta'rif, xususiyatlari. Sujeti – qahramonlar o'rtasidagi aloqa, munosabatlarni ifodalovchi, asar mazmunini tashkil etuvchi voqea-hodisalar. Sujeti tarkibiy qismlari. Ekspozitsiya, voqea-hodisalar, voqea-hodisalar. Sujeti tarkibiy qismlari. Ekspozitsiya, voqea-hodisalar tuguni, voqea-hodisalar rivoji, voqea-hodisalar avj olishi, voqea-hodisalar yechimi. Sujeti

	mukammallik kasb etishi asardagi voqealar rivojini ta'minlashga va mantiqiy izchillikda shakllanishiga asos bo'ladi. Badiiy asar kompozitsiyasi, uning poetika tarkibidagi o'ri, kompozitsion vositalar. Asar sarlovhasi, epigraf, boblar va qismlarning yozuvchi ideyasiga muvofiq joylashtirilishi. Badiiy asar kompozitsiyasi uning yaxlitligini, badiiy mukammalligini ta'minlovchi badiiy usul ekanligi. Uning har bir xususiyati asarni yaxlitligini ta'minlashga asos bo'lishi bilan bir qatorda, kompozitsiyaning unsurlarini voqealar rivojiga hamohang tarzda ifodalash ijodkor badiiy mahoratini namoyon etishi bilan uzviy bog'liqligi ochib beriladi.
M9	Badiiy asar xronotopi. "Xronotop"ning iug'aviy va istilohiy ma'nosi; badiiy asarda epik tafakkur ko'lamini; voqelik kechadigan makonning cheksizligi; adabiy makonga xos xususiyatlar; adabiy zamonning shartlanganligi; badiiy asarda makon va zamon uyg'unligi. Badiiy xronotop poetikasining o'ziga xos tamoyillari, uning badiiy matndagi funksiyasi ochib beriladi.
M10	Adabiy tur va janrlar poetikasi. Har bir turning shakllanishi va taraqqiyoti, uning xususiyatlari, badiiy funksiyalarining janriy ko'rinish tamoyillari haqida so'z yuritiladi. Epik tur taraqqiyoti, janrlaridagi sintezlashish sabablari, roman janri va uning ko'rinishlari, badiiy funksiyalari, keyingi yillardagi janr taraqqiyoti. Lirik turning janrlaridagi o'zgarishlar, poetik yangilanishlar, dramatik asarlardagi dramatismning kuchayish sabablari tahlil qilinadi.
M11	Poetik nutq va uslub. Poetik nutq va badiiy asar tili masalasi. Poetik nutqqa xos alomatlar. Badiiy nutq tarkibi. Badiiy asar pafosi va nutq munosabati; nasr va nazm. Muallif va qahramonlar nutqidagi individuallik; dialogik va monologik nutq. Poetik nutqda emotsionallik; nasriy asar ritmi. Badiiy nutq mezon. Uslub va ijodkor. Kinoyaviy uslubga xos belgilar. Badiiy uslub va badiiy til. Uslublar xilma-xilligi. Uslubdagi individuallik.
M12	Badiiy uslub va ijodiy metod. Adabiy oqimlar. Badiiy uslub va badiiyatdagi o'ri. Asrlar davomida shakllanib kelgan uslub tushunchasi. Ijodiy metodlar. Realizm, romantizm. Realizmning hayotiy haqiqat bilan uzviyligi. Romantizmning tasvirdagi o'ri, ularning talqindagi o'ziga xosliklari. Metod – hayot hodisalarini tanlash, ularga muayyan dunyoqarash asosida yondashish, talqin qilish yo'li. Ijodiy uslublar: romantizm, realizm. Klassisizm yo'nalishi. Sentimentalizm, naturalizm, syurrealizm, ekzistensializm, simvolizm. Modern adabiyot. Ijodkor uslubi. Individual uslub xususiyati va ijodkor mahorati
M13	Modernizm va postmodernizm va globallashuv. Talqindagi poetik yangilanishlarning vujudga kelishi, uning sabablari, jahon adabiyotidagi yangilanishlarning istiqbol davri adabiyotshunosligida namoyon bo'lishi, uning sabablari asoslanadi. Poetik yangilanish zamirida modernizm, postmodernizm adabiyot oqimlarining ifoda shakllari va xususiyatlari asoslanadi.
III. Amaliy mashg'ulotlar bo'yicha ko'rsatma va tavsiyalar: amaliy (A)	
Amaliy mashg'ulotlar uchun quyidagi mavzular tavsiya etiladi.	
A1	Sharq adabiy-nazariy tafakkuri tarixidan.
A2	G'arb adabiy-nazariy tafakkuri tarixidan.
A3	Badiiy adabiyot va folklor munosabati.

A4	Badiiy obraz darajasi.
A5	Roman janri xos xususiyatlar muhokamasi,
A6	She'riy san'atlarni farqlash va aniqlash amaliyoti
A7	Ijodiy metod ustidagi bahslar.
IV. Semenar mashg'ulotlar bo'yicha ko'rsatma va tavsiyalar: semenar (S)	
Semenar mashg'ulotlar uchun quyidagi mavzular tavsiya etiladi.	
S1	Adabiyotning funksiyasi.
S2	Qissa janri va qissaxonlik.
S3	Lirik tur spetsifikasi.
S4	Dramatik tur, tragediya va tragikomediya.
S5	Hajviy tafakkur tabiati: satira va yumor.
S6	Adabiy-tarixiy jarayonda an'ana va yangilanish.
S7	Adabiyotning funksiyasi.

IV. Mustaqil ta'lim va mustaqil ishlar

Mustaqil ta'lim uchun tavsiya etiladigan mavzular. "Adabiyotshunoslik nazariyasi" fani bo'yicha mustaqil ta'lim va ishlarning kalendar tematik rejas

№	Mustaqil ta'lim mavzulari
1.	Sharq adabiyotshunosligining o'ziga xos qirralari,
2.	G'arb adabiy-nazariy tafakkuri tarixiga old manbalarni o'qish.
3.	Badiiylik mezonlari.
4.	Obrazli tafakkur tabiati.
5.	Obraz, xarakter, tip: umumiylik va o'ziga xosliklar.
6.	Ijtimoiy g'oya va badiiy g'oya o'rtasidagi umumiylik.
7.	Ijodkor shaxsiyati va ijodiy individuallik masalasi. Aruz vazni, barmoq vazni: nazariy adabiyotlar.
8.	Adabiy jarayonda ijod va ijodkor muammosi.
9.	Badiiy ijod psixologiyasi.
10.	Badiiy ijod va irotsional tafakkur
11.	Adabiyotda an'ana va navotorlik
12.	Ijodiy metod va adabiy oqim masalasi
13.	Postmodernizm va intertekstuallik.

"Adabiyotshunoslik nazariyasi" fani bo'yicha mustaqil ta'lim mavzulari uning mazmunini yoritish maqsadida tanlangan va magistrda shu haqida bilim ko'nikmasini shakllantirish nazarda tutilgan. Badiiy asarni tahlil qilish uchun yo'llanma berish, badiiy matnni chuqur va turli metodlar asosida talqin qilish, jahon adabiyotshunosligidagi adabiyotshunoslik metodlarining ichki imkoniyati va cheklanganlik tomonlarini barcha adabiy tur hamda janrlar bo'yicha yozilgan ilmiy asarlar misolida asoslab o'rganish, umuman adabiyotshunosning ilmiy-estetik tafakkurini shakllantirish ushbu fanning asosiy maqsadi sanaladi. Shu mazmunda MT da nazarda tutilgan mavzular haqida magistr ish olib borishadi. Barcha keltirilgan mavzularni har biri to'g'risida magistr qay tarzda o'zlashtirish, bilim ko'nikmasiga ega bo'lish mexanizmi fanning sillabusida ochib beriladi.

3.	V. Fan o'qitilishining natijalari (shakllanadigan kompetensiyalar) Fanni o'zlashtirish natijasida talaba: • "Adabiyotshunoslik nazariyasi" fanidan magistr, ushbu davrda tarixiy tadqiqotlar ko'lami, davrning o'z dolzarb muammosini tadqiqotlarning metodologik asoslari haqida <i>tasavvur va bilimga ega bo'lishi</i>; • Talaba "Adabiyotshunoslik nazariyasi" fanining alohida fan sifatida mavqeyiga ega bo'lishi, o'rganilayotgan davr va bugungi kun tarix fanining dolzarb muammolarini to'g'ri talqin qilish <i>ko'nikmalariga ega bo'lishi kerak</i>. • Talaba o'zlashtirayotgan fan bo'yicha egallagan bilimlarini tahlil qilish to'plangan tarixiy tajribani ilmiy va pedagogik amaliyotda samarali qo'llash <i>malakalariga ega bo'lishi kerak</i>.
4.	VI. Ta'lim texnologiyalari va metodlari: • ma'ruzalar; • interfaol keys-stadilar; • munozara, • o'z-o'zini nazorat. • "Aqliy hujum", • "Muammo"; • Krossvord • Annogrammalar • Ko'chma dars mashg'ulotlari
5.	VII. Kreditni olish uchun talablar: Fanga oid nazariy va uslubiy tushunchalarni to'liq o'zlashtirish, tahlil natijalarini to'g'ri aks ettira olish, o'rganilayotgan jarayonlar haqida mustaqil mushohada yuritish va joriy nazorat shakllari, hamda mustaqil ta'limda berilgan vazifa topshiriqlarni bajarish, yakuniy nazorat ishini topshirish

6. Asosiy adabiyotlar:

1. Sulton I. Adabiyot nazariyasi. - T.: O'qituvchi, 2005.
2. T. Boboyev. Adabiyotshunoslik asoslari. - Toshkent, O'zbekiston, 2002.
3. Qur'onov D. Adabiyotshunoslik nazariyasi asoslari. - T.: Navoiy universiteti. 2018.
4. H. Umurov. Adabiyotshunoslik nazariyasi. - T.: Abdulla Qodiriy nomidagi xalq merosi nashriyoti, 2004

Qo'shimcha adabiyotlar:

5. Арасты. "Поэтика", "Ахлоки кабир", "Риторика" - T.: Янги аср авлоди. 2011.
1. Валихўжаев Б. Ўзбек адабиётшунослиги тарихи. - Тошкент, «Ўзбекистон», 1993.
2. Umurov H. Adabiyot qoidalari. - T.: O'qituvchi. 2011.
3. Болтабоев X., Махмудов M. Адабий-эстетик тафаккур тарихи. - T.: Мумтоз сўз. 2016.
4. Karimov B. Ruhيات alifbosi. - T.: G'.G'ulom nomidagi nashriyot matbaa-ijodiy uyi. 2018.
5. Ulug'ov Abdulla. Adabiyotshunoslik nazariyasi. - T.: G'.G'ulom nomidagi nashriyot matbaa-ijodiy uyi. 2018.
6. Yo'ldoshev Q. So'z yolqini. - T.: G'.G'ulom nomidagi nashriyot matbaa-ijodiy uyi.

2018.	
7. Nazarov B. Rasulov A. va boshqalar. O'zbek adabiy tanqidi tarixi. – T.: Tafakkur qanoti. 2012.	
8. Фитрат. Танланган асарлар (Адабиётшунослик). – Т.: Маънавият. 2004.	
Axborot manbalari (saytlar):	
1. http://www.literatnre.Uz	
2. http://w3vw.ziyonet.uz	
3. http://www.zivouz.com	
4. http://www.turonlib.uz	
5. 2. www. genhis philol.ru.	
9. http://en.wikipedia.org/wiki/Structuralism	
Fan dasturi Sharof Rashidov nomidagi Samarqand davlat universiteti O'quv-uslubiy kengashining 2024-yil _____-son bayonnomasi bilan ma'qullangan.	
Fan/modul uchun mas'ullar: Sh.A.Hasanov – SamDU, Istiqlol davri adabiyoti va adabiyot nazariyasi kafedrasini mudiri, filologiya fanlari doktori, professor. A.N.Nasirov – SamDU, Istiqlol davri adabiyoti va adabiyot nazariyasi kafedrasini professori, filologiya fanlari doktori	
Taqrizchilar: M.Davronova – Sharof Rashidov nomidagi Samarqand davlat universiteti Istiqlol davri adabiyoti va adabiyot nazariyasi kafedrasini professori, filologiya fanlari doktori (ichki). G.H.Umurova – SamDCHTI dotsenti, filologiya fanlari doktori, professor (tashqi).	

Universitetning 2024-yil 16- avgustdagi 301-ij buyrug'i asosida Fan dasturlari va mustaqil ta'lim topshiriqlarini ishlab chiqishga ma'sul ishchi guruhi:

Rais –

A.N.Nasirov

Kafedra mudiri:

Sh.A.Hasanov

Fakultet dekani:

I. E. Nazarov

Sh. Rashidov nomidagi

SamDU O'quv ishlar bo'yicha

1-prorektor:

A. S. Soleyev



Samarqand davlat universiteti filologiya fakultetining
60230100 – Filologiya va tildagi o'qitish: o'zbek tili yo'nalishi talabalari
uchun tuzilgan "Adabiyotshunoslik nazariyasi" fani o'quv dasturiga

TAQRIZ

"Adabiyotshunoslik nazariyasi" fani bo'yicha tuzilgan ushbu dasturda bosh muhim vazifasi talabalarga bu fanning yuzaga kelishi, shakllanishi hamda milliy istiqlol mafkurasi ta'sirida taraqqiy etganligi haqida tushuncha beriladi. Adabiyotshunoslik ilmidagi, bugungi adabiy jarayondagi yangiliklar bilan, yaratilayotgan yangi badiiy asarlar bilan muntazam tanishib borish to'laqonli adabiyotshunos bo'lib yetishishning muhim shartlaridandir. Shuning uchun magistrlar vaqti nashrlardagi adabiyotshunoslikka oid chiqishlar, adabiy-tanqidiy maqolalar bilan tanishib borishi zarur. Ikkinchidan, ular har bir e'lon qilinayotgan yangi she'r, nasriy yoxud dramatik asarlardan ham xabardor bo'lib borishlari talab qilinadi. Uchinchidan, magistrlar olgan nazariy bilimlari asosida o'qib o'rganayotgan asarini tahlil qilishga harakat qilishi lozim. Shu yo'l bilan ular olgan bilimlarini mustahkamlay oladilar. To'rtinchidan, adabiyotshunoslikdan chuqur bilim olish uchun rus va boshqa tillardagi adabiyotlardan ham foydalanish muhim. Beshinchidan, bugungi kunda internet tarmog'i orqali adabiyotshunoslikdagi eng so'nggi yangiliklar bilan muntazam tanishib borish davr talabiga aylanib qoldi. Bu imkoniyatdan samarali foydalanish yetuk adabiyotshunos bo'lib yetishishning zaruridir.

Mazkur fan dasturi ma'ruza, amaliy, seminar, mustaqil ishi o'z ichiga oladi. Bundan tashqari mustaqil ish topshiriqlarini ishlanmalari "Adabiyotshunoslik nazariyasi" fani mavzularini bir nuqtaga jamlagan. Dasturda adabiyotlar ro'yxati asosiy va qo'shimcha adabiyotlar ro'yxatiga ajratilgan. Har bir mavzu yuzasidan darsliklar, qo'llanmalar yetarli.

Fanning g'oyaviy-badiiy xususiyatlaridan kelib chiqqan holda, ushbu o'quv dasturi mazmuni va tuzilishi jihatidan bunday o'quv dasturlarga qo'yiladigan barcha talablarga javob beradi deb hisoblayman va uni 60230100 – Filologiya va tildagi o'qitish: o'zbek tili yo'nalishi talabalari uchun tuzilgan "Adabiyotshunoslik nazariyasi" fani o'quv dasturini ta'lim jarayonida foydalanish uchun tavsiya etaman.

M.Davronova
Sharof Rashidov nomidagi SamDU professori, f.f.d.



Samarqand davlat universiteti filologiya fakultetining
60230100 - Filologiya va tillarni o'qitish: o'zbek tili yo'nalishi talabalari
uchun tuzilgan "Adabiyotshunoslik nazariyasi" fani o'quv dasturiga

TAQRIZ

"Adabiyotshunoslik nazariyasi" fanidan tuzilgan ushbu o'quv dasturi ikki qismdan iborat bo'lib, fan 1-kursda hamda 4-kursda o'qiladi, shunda o'rganiladi. Dasturda berilgan mavzular badiiy asarni tahlil qilish uchun yollanma berish, badiiy mazni turli metodlar asosida har tomonlama ilmiy-estetik tahlil qilish, adabiy jarayondagi poetik o'zgarishlarni, filologiyning ilmiy-estetik tafakkurini shakllantirish, adabiyotshunoslikning tarkibiy qismlarini ilik shakllanish jarayonlarini sinxronik tarzda riv qilish va kelish sabablari, badiiy asarni ilmiy-estetik tahlil qilish, mazni tarkibiy qismlarga ajratish va ularning o'ziga xos xususiyatlarini aniqlash; badiiy asarlarni turli metodlar asosida tahlil qilishni tushuntirish, bugungi jarayondagi badiiyat qonuniyatlarini tahlil etish kabi masalalar qamrab olingan.

Dastur bugungi talablar asosida nazariy qonun-qoidalariga to'xtalgan. Mazkur dastur ma'ruza hamda amaliy seminar, mustaqil ta'lim mavzulariga ajratilgan. Bundan tashqari mustaqil ta'lim topshiriqlari haqida muxtasar ma'lumotlar berilgan. Dasturda adabiyotlar ro'yxati asosiy va qo'shimcha adabiyotlarga ajratilgan holda ko'rsatilgan. Hamda elektron manzillarni ham joylashtirgan. Shuningdek, fanni o'qish natijalari (shakllaniladigan kompetensiyalari), ta'lim texnologiyalariga metodlari, kreditni olish uchun talablar batafsil bayon etilgan.

Dasturda fanning mazmuni, talabalar bilim, ko'nikma va malakalariga qo'yilgan talablar bo'lajak mutaxassislar kelgusidagi kasb faoliyati uchun mos keladigan nazariy tushunchalarni o'z ichiga qamrab olgan.

Yugoridagilarni hisobga olgan holda, ushbu o'quv dasturi mazmuni va tuzilishi jihatidan bunday o'quv dasturlariga qo'yiladigan barcha talablarga javob beradi deb hisoblayman va uni 60230100 - Filologiya va tillarni o'qitish: o'zbek tili yo'nalishi talabalari uchun "Adabiyotshunoslik nazariyasi" fani o'quv dasturini ta'lim jarayonida foydalanish uchun tavsiya etaman.

G. Umurova
SamDCHTI professori,
filologiya fanlari doktori.



NING IMZOSINI
TASDIQLAYMAN